



Concello de Vigo

D^a. YOLANDA AGUIAR CASTRO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 5 de decembro de 2019**, adoptou o seguinte acordo:

7.- PROPOSTA DE AUTORIZACIÓN DE GASTO COMPLEMENTARIO DO RC EMITIDO POR IMPORTE INICIAL DE 15.000,00 € PARA O PROGRAMA DE AXUDAS ECONÓMICAS DIRECTAS PARA MULLERES EN SITUACIÓN DE VIOLENCIA DE XÉNERO - ANO 2019. EXPTE. 8955/224.

Visto o informe de fiscalización do 29/11/19, dáse conta do informe-proposta da mesma data, asinado pola xefa do Servizo de Igualdade, a asesora xurídica do Servizo, a concelleira de Igualdade a e polo concelleiro de Orzamentos e Facenda, que di o seguinte:

A Xunta de Goberno Local na sesión que tivo lugar o día 17.01.2019 aprobou o seguinte acordo:

“1º. Aprobación do «Programa de axudas económicas directas para mulleres en situación de violencia de xénero para o ano 2019 » que se recollen no Anexo I do expediente 8955/224.

2º Autorizar o gasto por importe de 15.000,00 Euros (quinze mil euros), con cargo á aplicación orzamentaria “Bolsas económicas” 2311 480.00.00 do orzamento vixente, para facer fronte aos gastos que orixinan as axudas económicas directas de apoio para as mulleres vítimas de violencia de xénero.

3º Aprobación do texto da convocatoria do programa de axudas económicas directas para mulleres en situación de violencia de xénero durante o exercicio 2019 e do extracto da mesma, (Anexos II e III) que se remitirán á Base de Datos Nacional de Subvencións, en base o establecido na Resolución de 10 de decembro da Intervención Xeral da Administración do Estado pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións.

4º.-Autorizar a realización dun libramento a xustificar por importe máximo de 15.000,00 euros, a nome das funcionarias Cristina Gómez García, con DNI número 36.098.882-Z, xefa do servizo de Igualdade e Amalia M^a Gándara Fernández, con DNI número 36.107.637Y, traballadora social adscrita ao Centro Municipal de Información dos Dereitos da Muller, para facer efectivo os anteditos gastos, que se farán efectivos na conta restrinxida da Tesourería Municipal.”

A finalidade desta medida é dotar ás mulleres dunha axuda económica puntual, non periódica, que lles permita afrontar os gastos máis urxentes e básicos no proceso de ruptura e que poderán consistir en: cartos mensuais de peto, lavandería, alimentación, hixiene, farmacia, alugueiro, transporte, traslados de seguridade, actividades formativas, extraescolares, consumos, axuar e/ou outras necesidades urxentes e inmediatas.

En virtude da Disposición adicional segunda, apartado 11, da Lei 9/2017, de 8 de novembro, de contratos do sector público, é órgano de contratación do Concello de Vigo a Xunta de Goberno Local. Non obstante, esta competencia en materia de contratos menores foi atribuída á concelleira



delegada de Igualdade no ámbito das competencias da súa Área, en virtude das Resolucións de Alcaldía de datas 18 e 26 de xuño de 2019 sobre delegacións de competencias a concelleiras/os de área e Acordos da Xunta de Goberno Local de datas 20 de xuño de 2019, 4 de xullo de 2019 e 5 de setembro de 2019 sobre delegacións de competencias da Xunta de Goberno Local nas concelleiras/os delegadas/os de área.

As axudas económicas que se concederon ao abeiro desta convocatoria tiveron carácter temporal e extraordinario para atender situacións concretas derivadas da situación de violencia de xénero valorada e acreditada polo equipo multidisciplinar do *Centro Municipal de Información dos Dereitos da Muller* do Concello de Vigo. Durante o ano 2019, na data de emisión deste informe, foron beneficiarias destas axudas un total de 45 mulleres. A concesión axustouse á partida presupostaria "*Bolsas económicas*" 2311- 4800000 do orzamento vixente da Concellería de Igualdade e ao importe de 15.000,00 €. En data 9.01.2019 Intervención Xeral de Fondos emitiu unha Retención de Crédito con nº 201900002804 por importe de 15.000,00 € para facer fronte ao devandito gasto.

Non obstante, produciuse un incremento da demanda que fai necesario solicitar un aumento na retención de crédito deste programa que permita tramitar as concesións de axudas ás posibles beneficiarias que valore o equipo multidisciplinar do Centro Municipal de Información dos Dereitos da Muller (CMIDM) no período que resta para finalizar o presente exercicio.

Por isto, solicítase unha retención de crédito complementaria ao RC número 201900002804 por importe de 2.000,00 € (saldo dispoñible na partida 2311- 480.00.00) contía que desde o equipo técnico do *Centro Municipal de Información dos Dereitos da Muller* consideran suficiente para facer fronte á demanda no período que falta ata a finalización do ano 2019.

A concesión destas axudas tramitaranse de acordo cos criterios establecidos no marco de actuación aprobado pola Xunta de Goberno Local en data 17.01.2019.

Polo exposto, e previo o preceptivo informe de Intervención Xeral, propónse á Xunta de Goberno Local:

"1º. Autorizar un gasto complementario do RC nº 201900002804 (tramitado en data 09.01.2019 por importe inicial de 15.000,00 €) por importe de 2.000,00 euros (dous mil euros), con cargo á aplicación orzamentaria "*Bolsas económicas*" 23114800000 do orzamento vixente da Concellería de Igualdade, para facer fronte aos gastos que orixinan as axudas económicas directas de apoio ás mulleres vítimas de violencia de xénero no período que resta para finalizar o exercicio 2019.

2º.-Autorizar a realización dun libramento a xustificar por importe máximo de 2.000,00 euros, a nome das funcionarias Cristina Gómez García, con DNI número 36.098.882-Z, xefa do servizo de Igualdade e Amalia Mª Gándara Fernández, con DNI número 36.107.637Y, traballadora social adscrita ao Centro Municipal de Información dos Dereitos da Muller, para facer efectivo os anteditos gastos, que se farán efectivos na conta restrinxida da Tesourería Municipal."

Acordo

A Xunta de Goberno local aproba a proposta contida no precedente informe.





Concello de Vigo

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.

